

道行般若波羅蜜經

才九

六十九
鱗九

47471



佛日增輝
 佛舍輪常轉
 山城州天安寺法金剛院置
 皇帝
 重會



道行般若波羅蜜經卷第九

後漢月支三藏支婁迦讖譯

鯨

道行般若波羅蜜經不可盡品第二十六

是時須菩提作是念佛所說般若波羅蜜事

甚深是須菩提當作是問須菩提白佛言般

若波羅蜜不可盡譬如虛空亦不可盡菩薩

當何因思惟般若波羅蜜佛語須菩提色不

可盡當作是思惟般若波羅蜜痛癢思想生

死識不可盡當作是思惟般若波羅蜜十二

因緣不可盡當作是思惟般若波羅蜜佛語

須菩提菩薩當作是思惟般若波羅蜜菩薩

當作是思惟十二因緣適得其中菩薩初坐

樹下時不共法思惟十二因緣是時薩芸共
智慧悉具足佛語須菩提若有菩薩行般若
波羅蜜時思惟十二因緣不可盡作是思惟
者出過羅漢辟支佛道去正住佛道菩薩不
作是思惟行般若波羅蜜及思惟十二因緣
不可盡設不作是思惟者便中道得羅漢辟
支佛菩薩不中道還者用思惟般若波羅蜜
思惟行摩訶漚耜拘舍羅故佛語須菩提菩
薩行般若波羅蜜時思惟視十二因緣不可
盡作是視十二因緣所視法生者滅者皆有
因緣法亦無有作者作是思惟十二因緣行
般若波羅蜜時不見色不見痛癢思想生死

識不見佛境界無有所因法見佛境界是為
菩薩行般若波羅蜜若有菩薩行般若波羅
蜜當尔時魔大愁毒譬如父母新死啼哭愁
毒憂思菩薩行般若波羅蜜時魔愁毒如是
須菩提白佛言一魔愁毒耶餘魔復愁毒乎
佛語須菩提一佛境界所有魔各各於其所
止處不安菩薩隨般若波羅蜜教時菩薩應
行如是者諸天阿湏倫龍鬼神人若非人不
能害菩薩若有菩薩欲得佛道者當行般若
波羅蜜菩薩行般若波羅蜜為行檀波羅蜜
具足行尸波羅蜜亦尔行羸提波羅蜜亦尔
行惟逮波羅蜜亦尔行禪波羅蜜亦尔菩薩

摩訶薩行般若波羅蜜具足行遍和尅拘舍羅
諸波羅蜜菩薩摩訶薩行般若波羅蜜若有
魔事起即覺使不至菩薩悉欲得諸遍和尅拘
舍羅波羅蜜者當行般若波羅蜜當守般若
波羅蜜若有菩薩行般若波羅蜜守般若波
羅蜜尔時菩薩思惟十方不可計阿僧祇現
在諸佛諸佛本行時悉從般若波羅蜜出生
菩薩作是念念如諸佛悉得諸經法我悉當
得如是菩薩行般若波羅蜜時作是思惟念
如兩拍相彈頃若有菩薩布施具足如恒邊
沙劫不如是菩薩行般若波羅蜜如彈兩拍
頃菩薩如是行者為任阿惟越致地是菩薩

為諸佛所念菩薩終不還餘道會當得佛終
不歸三惡道是菩薩未曾離諸佛時行般若
波羅蜜菩薩如兩拍相彈頃間功德如是何
況一日守般若波羅蜜者行當如捷陀訶盡
菩薩捷陀訶盡菩薩在阿闍佛刹最尊第一
道行般若波羅蜜經隨品第二十七

須菩提白佛言菩薩何因隨般若波羅蜜教
佛語須菩提諸餘經法無有能壞者菩薩隨
般若波羅蜜教當如是虛空不可盡菩薩隨
般若波羅蜜教當如是五陰本無形菩薩隨
般若波羅蜜教當如是四大本無形菩薩隨
般若波羅蜜教當如是沙羅伊檀六事本無

空無形菩薩隨般若波羅蜜教當如是發心
行佛道無有與等者菩薩隨般若波羅蜜教
當如是發心行願甚廣大菩薩等心於十方
人無有極佛有四事不護各各異端無有極
菩薩隨般若波羅蜜教當如是菩薩為諸天
阿須倫龍鬼神甄陀羅摩睺勒人及非人作
不可計之覆護菩薩隨般若波羅蜜教當如
是十方天下人呼為是我所非我所悉斷之
菩薩隨般若波羅蜜教當如是虛空之中音
響無形菩薩隨般若波羅蜜教當如是譬如
大海水不可斗量菩薩隨般若波羅蜜教當
如是譬如須彌山巔珍寶各各別異菩薩隨

般若波羅蜜教當如是釋梵各自有教菩薩
隨般若波羅蜜教當如是譬如月盛滿姝好
菩薩隨般若波羅蜜教當如是譬如日明所
照悉至菩薩隨般若波羅蜜教當如是諸經
法但有字耳無有處所菩薩隨般若波羅蜜
教當如是般若波羅蜜本無形但有字耳菩
薩隨般若波羅蜜教當如是般若波羅蜜本
無所從生菩薩隨般若波羅蜜教當如是般
若波羅蜜等無有異菩薩隨般若波羅蜜教
當如是幻化及野馬但有名無形菩薩隨般
若波羅蜜教當如是地水火風是四事無有
極菩薩隨般若波羅蜜教當如是佛身相本

無色菩薩隨般若波羅蜜教當如是諸佛境界各各虛空菩薩隨般若波羅蜜教當如是佛諸經本無說無教菩薩隨般若波羅蜜教當如是譬如衆鳥飛行空中而無足跡菩薩隨般若波羅蜜教當如是生死根波羅蜜力諸覺禪棄脫三昧定入禪具足悉脫愛欲臨作佛時乃得行是菩薩隨般若波羅蜜教當如是諸經法無有極不可盡菩薩隨般若波羅蜜教當如是諸經法無所從生無所因出菩薩隨般若波羅蜜教當如是臨作佛時諸經法悉具足成菩薩隨般若波羅蜜教當如是泥洹虛空無所有菩薩隨般若波羅蜜

教當如是諸經法本無淨適無所因菩薩隨
般若波羅蜜教當如是佛所作爲變化無有
極菩薩隨般若波羅蜜教當如是一切無有
索菩薩過者亦無有得佛過者脫無央數人
菩薩隨般若波羅蜜教當如是諸佛說經法
行道如是菩薩隨般若波羅蜜教當如是佛
所教化等無有異菩薩隨般若波羅蜜教當
如是佛語須菩提若有菩薩行般若波羅蜜
時當作是隨當作是念當作是入當作是視
去離諂諂去離貢高去離強梁去離非法去
離自用去離財富去離僥倖去離世事棄身
不惜壽命適無所慕但念佛所行事安隱善

薩行能如是得佛不久悉得薩芸若功德不久
如是輩菩薩不當字菩薩當字為佛何以故今
得佛不久故若有菩薩隨般若波羅蜜教甫當
來世為得佛字佛在者亦當隨般若波羅蜜
教佛般泥洹後亦當隨般若波羅蜜教如是
道行般若波羅蜜經薩陀波倫菩薩品第二十八
佛語須菩提疾欲得佛者索般若波羅蜜當
如薩陀波倫菩薩於今在上方過六百三十
億佛國佛名捷陀羅耶其國名尼遮捷陀波
勿薩陀波倫菩薩於彼問止須菩提白佛言
薩陀波倫菩薩本何因緣索般若波羅蜜佛
語須菩提乃往久遠世有菩薩名薩陀波倫

為前世施行功德所追逮本願所成出出作
功德所致前世以供養數千萬億佛時菩薩
卧出天人於夢中語言汝當求索大法覺起
即行求索了不能得其意惆悵不樂欲得見
佛欲得聞經索之了不能得亦無有菩薩所
行法則用是故甚大愁憂啼哭而行譬言如人
有過於大王所其財產悉沒入縣官父母及
身皆閉在牢獄其人啼哭愁憂不可言
波倫菩薩愁憂啼哭如是時忉利天人來下
在虛空中觀見菩薩日日啼哭天人見菩薩
至心啼哭天人即於菩薩父母兄弟親屬交
友中字菩薩為薩陀波倫是時出有佛名曇



摩竭阿祝竭羅佛般泥洹以來其久亦不聞
經亦不見比丘僧時薩陀波倫菩薩於夢中
忉利天人語言前有佛名曇無竭阿祝竭
羅是時菩薩於夢中聞佛名即覺覺已即大
歡喜踊躍即棄捐家入深山中無人之處棄
身無所貪慕而大啼哭自念言我惡所致不
見佛不聞經不得菩薩所行法是時薩陀波
倫菩薩啼哭時便聞虛空中有聲言善男子
可止莫復啼哭有大法名般若波羅蜜若有
行者若有守者得佛疾汝當求索是大法汝
聞是法若行若守佛所有功德汝悉當得之
得佛三十二相八十種好汝悉當得之汝悉

當持經法教十方天下人薩陀波倫菩薩聞
虛空中聲當何因緣得般若波羅蜜當到何
方求索當何等方便得之虛空中聲報菩薩
言從是東行莫得休息汝行時莫念左莫念
右莫念前莫念後莫念上莫念下莫念行行
時莫念恐怖莫念喜莫念食莫念飲莫念坐
莫念行道莫念中止莫念婬莫念怒莫念癡
莫念守莫念有所得莫念內莫念外莫念色
莫念痛癢思想生死識莫念眼莫念耳莫念
鼻莫念念口莫念身莫念心意莫念地水火風
莫念空莫念人莫念我莫念命莫念有空莫
念無空莫念行菩薩道莫念有經莫念無經

莫念生天上莫念生世間莫念菩薩善莫念
菩薩惡一切所向念悉斷遍無所著從是東
行悉斷念已作是行不缺者今得聞般若波
羅蜜不久過去諸佛行菩薩道時索般若波
羅蜜如是得般若波羅蜜隨其教者得佛疾
作是精進行者當疾得佛薩陀波倫菩薩聞
虛空中教聲大歡欣當隨天人之教虛空中
聲復報言莫失是教作是語已便不復聞聲
是時薩陀波倫菩薩聞是教法倍踊躍歡欣
隨是教即東行心適無所著行中道作是念
去是幾所乃當得般若波羅蜜作是念已任
復大啼哭薩陀波倫菩薩作是啼哭時上方

虛空中化作佛在空中立言善哉善哉如若
所索者甚難如汝作是精進者今得般若波
羅蜜不久薩陀波倫菩薩叉手仰向視化佛
身有金色身放十億光炎身有三十二相見
已大歡欣叉手白化佛言願佛爲我說經法
我從佛聞經聞經已諸佛所有經法我皆欲
悉得之是時化佛語薩陀波倫菩薩受我所
教法悉當念持之諸經法本無恐懼本淨無
端緒住諸經法一切無所罣礙本端無所因
住諸經法本無所因端緒無所說住諸經法
無所說教如虛空無形本無端緒如泥洹無
有異諸經法如泥洹無有異無所從生無形

住諸經法無所從生無形計如幻無形如水
中見影諸經法如水中影現如夢中所見等
無有異諸經法如夢中所見等無有異佛聲
音都盧見如是當隨是經法教善男子當作
是守念從是東行索般若波羅蜜去是間二
万里國名捷陀越王治處其國豐熟熾盛富
樂人民衆多其城縱廣四百八十里皆以七
寶作城其城七重其間皆有七寶琦樹城上
皆有七寶羅縠緹縵以覆城上其間皆有七
寶交露間重鈴四城門外皆有戲盧遶城有
七重池水水中有雜種優鉢蓮華拘文羅華
不那利華須捷提華末願捷提華皆在池水

中生間陸地有占蔔華如是衆華數千百種
其池中有衆雜琦鳥鳥鴈鴛鴦異類琦鳥數
千百種池中有七寶之船其人乘船娛樂戲
池中城中皆行列五色幡幢復懸五色幢幡
復有羅列雜色華蓋城中街巷各各周遍譬
若忉利天上帝釋宮殿懸幢幡音樂之聲數
千百種日日不絕譬如忉利天上難檀桓戲
盧其中有音樂之聲快樂不絕其城快樂亦
復如是其城中無有異人皆是菩薩中有成
就者中有發意者皆共居其中快樂不可言
其中所有服飾玄黃琦玕不可復計其國中
有菩薩名曇無竭在衆菩薩中最爲尊有六

百八十万夫人姝女共相娛樂捷陀越國中
諸菩薩常共恭敬曇無竭為於國中央施高
座隨次轉下施座中有黃金座白銀座琉璃
座水精座座上皆布雜色文繡紈縠座間皆
散雜種香華座上皆施雜寶交露之蓋中外
周帀皆燒名香曇無竭菩薩常於高座上為
諸菩薩說般若波羅蜜中有聽者中有書者
中有學者中有諷者中有守者汝從是去到
捷陀越國曇無竭菩薩所自當為汝說般若
波羅蜜當為汝作師教汝何以故前數千億
世常為汝作師是汝本發意時師汝往至師
所時若見若聞莫得說其短亦莫念其短汝

設見慎莫疑慎莫怠何以故汝未曉溫愁拘
舍羅當諦覺魔事善男子慎莫隨魔教莫用
師在深宮尊貴故敬當如敬佛無有異當用
經法故莫念財利貪意心念所有者當施與
師當樂好恭敬於師作是行不毀者令得聞
般若波羅蜜不久尔時薩陀波倫菩薩從化
佛聞是教即踊躍歡欣用歡欣踊躍故即得
見十方諸佛三昧尔時十方諸佛皆讚嘆言
善哉善哉善男子我曹本爲菩薩時用精進
故得聞般若波羅蜜便成就得薩芸若亦復
當得三十二相八十種好十種力四無所畏
四事不護十八事不共我曹尔時亦復得是

三昧念時諸佛亦復讚嘆我曹如是汝行亦
當復如我曹作是行者菩薩所有功德汝悉
當具足得之薩陀波倫菩薩從三昧覺作是
念諸佛本從何所來去至何所作是思惟已
便復舉聲大哭復作是念諸佛教我至曇無
竭菩薩所薩陀波倫菩薩便從是去中道得
一國國名廣所樂國薩陀波倫菩薩便於城
外園中止宿自念佛經實難得何況乃聞耶
我當供養盡力於師今我一身加復貧窮亦
無有珍琦好物及華香持用供養於師如我
無所有者請且自賣身持用供養於師作是
念已即入城街里街里自銜言誰欲買我者

時魔在城外戲與五万姝女共遊戲遙見菩薩聞自銜賣聲魔即自念言是薩陀波倫菩薩自賣身欲供養曇無竭菩薩持用索佛是人當出我境界脫人衆多今我且壞于令一國中男女當不見其形不聞其聲是時薩陀波倫菩薩賣身不隹便自宛轉卧地啼哭大呼欲自賣身持用供養於師了無有買者是時釋提桓因遙於天上見薩陀波倫菩薩精進乃爾自念言我當下試之知爲至誠索佛不但諭諂是時釋提桓因來下化作娑羅門問薩陀波倫言善男子何其勤苦乃爾乎用何等故死轉啼哭薩陀波倫菩薩報言不須

問道。人婆羅門如是問。至三所欲。勅使願相
語。我欲相佐。助薩陀波倫菩薩。報言。道人欲
知者。我自賣身。欲供養於師。故婆羅門語。薩
陀波倫菩薩。卿欲供養於師。故婆羅門語。薩
陀波倫菩薩。善男子。今我欲大祠。欲得人血。
欲得人肉。欲得人髓。欲得人心。卿設能與我
者。我益與卿財。薩陀波倫菩薩大歡欣。報言。
願相與。薩陀波倫菩薩即取刀。自刺兩臂。血
大出。持與之。復割兩髀。裏肉。持與之。復自破
骨。持髓與之。適復欲自刺。曾時樓觀上有長
者。女遙見之。傷愍哀之。時長者女與諸伎人
姝女五百人。相隨來至。薩陀波倫菩薩。祈問。

言善男子年尚幼少端正如是何以故自割
截其身體薩陀波倫菩薩報女言我欲供養
於師故用是故出血出肉出髓欲賣持欲供
養於師是時長者女問薩陀波倫菩薩言設
供養於師者能得何等福師名爲誰在何方
止薩陀波倫菩薩報女言師在東方師名曇
無竭當爲我說般若波羅蜜我聞者當行守
之當用疾得佛我身當得三十二相八十種
好十種力四事不護四事無所畏十八事不
共當得法輪轉當度脫十方天下人是時長
者女語薩陀波倫菩薩如善男子所言天上
天下無有比汝莫自困苦乃爾我自與汝金

銀珍寶琦物我自與五百嫫女相隨行我亦
欲自供養曇無竭菩薩復欲聞經是時婆羅
門語薩陀波倫菩薩言善哉善哉善男子如
是精進難及欲知我不善男子我是天王釋
提桓因故相試耳欲求索何等願我悉與卿
薩陀波倫菩薩報天王釋言欲哀我者使我
身體平復如故菩薩身體即平復如故釋提
桓因即自去是時長者女語薩陀波倫菩薩
言共歸至我父母所索金銀珍寶琦物并報
父母去薩陀波倫菩薩即隨至父母舍女歸
以具爲父母說是事父母即報女言汝所說
甚快難得聞我亦復欲與汝共行自惟年耆

不能自行汝所欲得便自說女言我欲得令
銀珎寶琦物父母言女自恣取之女便自取
金銀雜寶珎琦好物成擣栴檀名香及餘雜
碎諸寶蜜香甚衆多以五百乘車載自重五
百侍女自副是時五百侍女皆行報長者女
父母欲侍貴女隨菩薩行報已即相隨俱行
是時薩陀波倫菩薩與五百女人輩稍引導
而去遙見捷陀越國有幢幡譬如忉利天上
懸幢幡遙聞捷陀越國音樂之聲復遙見捷
陀越國城上皆有七寶緹縵七重其下有七
寶交露七重一重間者皆懸鈴城外周而遶
有七寶樹七重城外皆有戲盧男女遊戲娼

樂其中中有乘車伎自樂者中有步行伎
樂者香風四分布四出無不聞者譬如天香
用是故名爲捷陀越國是時薩陀波倫菩薩
及五百女人皆遙見如是見已皆大歡欣踊
躍自念言我曹義不可於車上載當下步入
國耳薩陀波倫菩薩及五百女人共從西城
門入薩陀波倫菩薩入城門裏遙見高臺雕
文刻鏤金銀塗錯五色玄黃光耀炳然臺四
面四角皆反羽向陽懸鈴旗幡音樂相和遙
見已問城中出人是何等臺交露七寶服飾
姝好乃爾其人報薩陀波倫菩薩言賢者不
知耶是中有菩薩名曇無竭諸人中最高尊

無不供養作禮者是菩薩用般若波羅蜜故
作是臺其中有七寶之匣以紫磨黃金爲素
書般若波羅蜜在其中匣中有若干百種雜
名香曇無竭菩薩日日供養持雜華名香然
燈懸幢幡華蓋雜寶若干百種音樂持用供
養般若波羅蜜餘菩薩供養般若波羅蜜亦
復如是忉利天人晝夜各各三持文陀羅華
摩訶文陀羅華供養般若波羅蜜如是陸陀
波倫菩薩及五百女人聞是大歡欣踊躍無
極俱往至般若波羅蜜臺所持雜華香散般
若波羅蜜上持金縷織成雜衣中有持衣散
上者中有持衣作幟者中有持衣袿壁者中

有持衣布施者是時薩陀波倫菩薩及五百
女人供養般若波羅蜜已便行至曇無竭菩
薩高座大會所相去不遠遙見曇無竭菩薩
在高座上坐為人幼少顏白姝好光耀明照
爲數千巨億人中說般若波羅蜜薩陀波倫
菩薩及五百女人見曇無竭菩薩已皆大歡
欣踊躍持雜種華香散曇無竭菩薩上復持
若干種寶散其上復持數百種雜色珍寶衣
以上菩薩爲曇無竭菩薩作禮遶八百帀已
作是言我曹亦當復逮得尊經亦當復如是
尔時曇無竭菩薩持深經好語語薩陀波倫
菩薩及五百女人言多賀來到得無疲倦他

所勅使所欲得者莫自疑難我是度人之師
適無所愛惜薩陀波倫菩薩白曇雲無竭菩薩
言我本索般若波羅蜜時於空閑山中大啼
哭於上虛空中有化佛身有三十二相紫磨
金色身有十億光耀炎出是時化佛嗟嘆我
言善哉善哉人索般若波羅蜜當如是也便
語我言去是東出二萬餘里其國名捷陀越
廣縱四百八十里珍寶交露服飾譬言如忉利
天上殿舍有菩薩名曇雲無竭於人中最尊常
反覆教人汝往至彼間當得聞般若波羅蜜
前出數千巨億萬世常為汝作師是汝本發
意時師是時聞師名聲大歡欣踊躍不能自

勝用歡欣踊躍故即得悉覓十方諸佛三昧
是時諸佛悉讚嘆我言善哉善哉索般若波
羅蜜當如是我曹本索佛時索般若波羅蜜
如是得般若波羅蜜者自致成佛如是佛
爲我說經已便不復見我自念言佛從何所
來去至何所持是事師願爲我解之佛爲從
何所來去至何所尔時曇無竭菩薩報言賢
者善聽薩陀波倫菩薩報言諾當善聽曇無
竭菩薩報言空本無所從來去亦無所至佛
亦如是無想本無所從來去亦無所至佛亦
如是無處所本無所從來去亦無所至佛亦
如是無所從生本無所從來去亦無所至佛

亦如是無形本無所從來去亦無所至佛亦如是
如是幻本無所從來去亦無所至佛亦如是
野馬本無所從來去亦無所至佛亦如是夢
中人本無所從來去亦無所至佛亦如是泥
洹本無所從來去亦無所至佛亦如是想像
本無所從來去亦無所至佛亦如是無有生
無有長本無所從來去亦無所至欲知佛亦
如是無所適本無所從來去亦無所至欲知
佛亦如是虛空本無所從來去亦無所至欲
知佛亦如是經界本無所從來去亦無所至
欲知佛亦如是本端本無所從來去亦無所
至欲知佛亦如是尔時薩陀波倫菩薩聞佛

深事法如是比不可計不可念不可量此大
法如是念時即於座上得六萬三昧門何等
為三昧門無處所三昧無恐懼衣毛不起三
昧脫諸魔中不恐懼三昧脫於愛欲之本三
昧脫出格戰離患三昧不可計向入三昧譬
如大海水不可量多慧所入三昧在須彌山

功德莊飾三昧五陰六衰無形觀三昧入諸
佛界三昧悉見諸佛三昧菩薩守道三昧諸
經法本無形見說三昧珍寶莊飾三昧悉學
珍寶入三昧念諸佛三昧菩薩上高三昧
真阿惟越致及法輪為轉三昧莊佛功德三
昧無瑕穢悉及淨三昧所備衆事如大海三

昧無所護無有過三昧樂經音聲遍三昧經
法章顯其幡三昧怛薩阿竭身無形入三昧
諸經法無形遍視三昧菩薩印三昧怛薩阿
竭目見三昧照明諸境界佛界所願具足三
昧解十方人難三昧臨成佛莊嚴三昧種種
雜華異色三昧多珍寶三昧法輪常轉三昧

諸音聲遠聞入要三昧入十方人本三昧諸
三界悉遍至三昧成諸功德三昧無有能過
六波羅蜜三昧菩薩坐樹下時壞餘外道羅
網三昧怛薩阿竭現飛三昧不可復計功德
度莊嚴三昧諸珍寶智慧功德三昧薩芸若
地三昧悉淨因三昧悉遍照三昧悉入十方

人生死之根智慧出中三昧過去當來今現在
在悉等三昧如是比等薩陀波倫菩薩得六
萬三昧門如是亦時曇無竭菩薩起入宮

道行般若經卷第九

鱗



